



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De æterna sanctæ & consubstantialis Trinitatis diuinitate: & quòd vnus sit
rerum omnium Deus. cap. i.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)



D. IOANNIS DAMAS-
SCENI PARALLELA:



DE AETERNA SANCTÆ ET CONSVBSTAN-
tialis Trinitatis diuinitate: & quòd vnus sit rerum omnium Deus.

CAPVT I.

A **D**IXIT DEVS: Faciamus hominem ad imaginem *Gen. 1.*
& similitudinem nostrā. Dixit Deus: Ecce Adam *3.*
factus est vt vnus ex nobis. Venite, descendamus *Cap. 11.*
& confundamus linguam eorum, vt non audiat vnusquisque vocem proximi sui.

Audi Israel, Dominus Deus tuus, Dominus vnus *Deut. 6.*
est. Videte quòd ego sim: & non sit alius Deus *32.*
præter me?

Quis Deus præter Dominum? aut quis Deus præ- *Psalm. 17.*
ter Deum nostrum? Verbo Domini coeli firmati *32.*
sunt, & spiritu oris eius omnis virtus eorum. Deus *73.*

B autem rex noster ante secula. Non est similis tui in Diis Domine: & non est se- *85.*
cundum opera tua. Deus refugium factus est nobis à generatione in generatio- *89.*
nem. Regnum tuum regnum omnium seculorum, &c. *144.*

Factum est in anno quo mortuus est rex Osias, vidi Dominum sedentem in *Esai. 6.*
folio excelso, & eleuato. Et plena erat domus gloria eius. Seraphin stabant super
illud. Sex alæ vni, & sex alæ alteri. Et duabus velabant facies suas, & duabus vola-
bant. Et clamabant alter ad alterum, dicentes: Sanctus, sanctus, sanctus Dominus
Deus sabaoth. Plena est omnis terra gloria eius.

Ego Dominus primus, & nouissimus ego sum. Scitote & credite mihi, & in- *41. 43.*
telligite, quia ego ipse sum. Ante me non est formatus Deus, & post me non erit.
Ego sum, ego sum Dominus, & non est vltra me Saluator.

C Hæc dicit Dominus Deus rex Israël, & redemptor eius, dominus exercituum. *23.*
Ego primus, & ego nouissimus: & absque me nõ est Deus. Quis sicut ego? Vo-
cate: & annunciet. Et præparet mihi ex quo feci hominem in secula: & quæ vétu-
ra sunt, antequam veniât, exponat mihi. Ego Dominus: hoc est nomen meum. *42.*
Gloriam meam alteri non dabo, & gloriam meam sculptilibus.

Dominus autem Deus verus est: ipse Deus viuens, & rex sempiternus. *Hier. 10.*
Hic est Deus noster: & non æstimabitur alius aduersus eum. *Baruc. 3.*

Regnum eius regnũ sempiternũ: & potestas eius in generatione & generatione. *Dan. 3.*
Baptizatus autem Iesus, confestim ascendit de aqua. Et ecce aperti sunt ei cœli. *Mat. 3.*
Et vidit Spiritum Dei descendentem sicut columbã, & venientem super se. Et ecce
vox de cœlo, dicens: Hic est filius meus dilectus, in quo mihi bene complacui.

Stephanus autem cum esset plenus Spiritu sancto, intendens in cœlũ, vidit glo- *Act. 7.*

D. IOAN. DAMASCENI

riam Dei, & Iesum stantem à dextris Dei. Et dixit: Ecce vidéo coelos apertos, & filium hominis stantem à dextris Dei.

I. Cor. 8.

Nullus est Deus nisi vnus. Nam etsi sunt qui dicantur Dij, siue in coelo, siue in terra: nobis tamen vnus Deus Pater, ex quo omnia, & nos in illum: & vnus Dominus Iesus Christus, per quem omnia, & nos per ipsum: & vnus Spiritus sanctus, in quo omnia, & nos ex ipso.

Basil. De fide.

OMNIA peragrans, atque cogitatione supra res conditas teipsum erigens, vteriusque mentem atollens, diuinam naturam cogita, stabilem, ab omni mutatione atque conuersione & perpeffione remotam, simplicem, compositionis ac diuisionis expertem, lumen inaccessum, potentiam omni oratione praestantior, magnitudinem nullis terminis definitam, gloriam insigniter rutilantem, bonitatem expetendam, singularem pulchritudinem, quae quae sauciatam quidem animam maiorem in modum perstringat, verum nullis verbis pro dignitate declarari possit. Illic Pater, illic Filius, illic Spiritus sanctus, increata natura, herilis auctoritas, naturalis bonitas. Pater, omnium origo atque auctor est, Vitaeque praedictorum radix, unde prodiit fons Vitae, sapientia, potentia, imago prorsus similis inuisibilis Dei. Pater genitus filius, viuens Verbum, qui Deus est & est apud Deum, non aduentitius, ante secula existens non postea acquisitus, filius non quiddam conditum, factor non quiddam factitium, creator non quiddam creatum, omnia existens quae Pater est. Filius & Pater, dixit: fac istas proprietates serues. Filietatem igitur retinens, cuncta est quae Pater: iuxta ipsammet Domini vocem, dicentis, Omnia quae Pater habet, mea sunt. nam proculdubio imaginis sunt ea omnia, quae primariae formae insunt.

Nazian.

Vnam, eandemque breuem & compendiariam vocem eloquar. Trinitas verè Trinitas est, fratres. Trinitas porò non disparium rerum enumeratio est, verum aequalium & parem dignitatem habentium comprehensio: vocabulo nimirum ea copulante, quae natura copulata sunt, nec per fluxum numerum ea dilabi sinente, quae hanc rationem habent, vt solui nequeant.

Nobis vnus Deus Pater, ex quo omnia, & vnus Dominus Iesus Christus, per quem omnia, & vnus Spiritus sanctus, in quo omnia.

Nazian.

Orat. in sancta Luce

mina.

Deus lumen summum & inaccessum est, quod nec mente percipi, nec verbis explicari potest, naturam omnem ratione praeditam illustrans, hoc inter ea quae mente praedita sunt, quod sol inter ea quae sub sensum cadunt, eò se magis contemplandum nobis praebens, quò accuratius animos purgamus, eò rursus magis amandum, quò magis eum contemplamur, eò denique magis cognoscendum, quò maiore ipsius amore flagramus: sese ipse speculans & comprehendens, ac per exiguè ad externa diffundens.

Orat. in laudib.

Athan.

Quod sensilibus rebus est sol noster, hoc mente praeditis est Deus. Ille enim mundum hunc aspectabilem collustrat: hic inuisibile. Ille corporis oculos ita afficit, vt lumen ipsius intueri possint: hic mentes diuinas reddit. Atque vt ille, cum & ijs, quibus cernendi facultas tributa est, & ijs, quae in aspectum cadunt, hanc vim afferat, vt & illi videre, & haec visu percipi possint, interim tamen ipse omnia, quae oculis subiecta sunt, pulchritudine antecellit: eodem modo Deus, cum tã ijs, quae intelligentia vtuntur, quam quae mente & intellectu comprehenduntur, hoc afferat, vt & illa intelligant, & haec intelligentia percipiantur, ipse tamen intelligibilium omnium summus est vertex, in quo desiderium omne subsistit ac desigitur, nec supra vsquam fertur.

Chrysof.

Ob eam causam etiam in Baptismo Trinitas adhibetur. Siquidem Pater totum efficere potest, Filiusque item, & Spiritus sanctus. Verum quia de Patre nemo erat qui ambigeret, cum contra de Filio & Spiritu sancto controuersia esset, idcirco vtriusque horum nomen in sacrosancta initiatione assumptum est, vt in subministratiõis arcanorum illorum bonorum societate, dignitatis quoque societatem intelligamus.

Epiphan.

in Anch.

Sanctus, sanctus, sanctus. Non dicunt, Sancti, sancti, ne, quod singulare est, nominibus multiplex reddant, atque vt trium numerum non occultent: verum ter quidem sanctitatem tribuunt, ceterum vno eodemque modo ac singulariter sermonem proferunt, in plures Deos

A nominent. Vnus enim Deus est Pater in Filio, Filius in Patre, cum Spiritu sancto. Ob idque sanctus in sanctis requiescens, Pater verus personaliter existens, Filius verus personaliter existens, Spiritus sanctus verus personaliter existens. Tres sunt, sed vna diuinitas, vna essentia, vna glorificatio, vnus Deus. Filium nominasti. Vna quoque Trinitate mente complexus es. Habuisti Spiritum sanctum? Paterna potentia, & Filio donatus es. Patrem gloria affectisti? Filium & Spiritum sanctum significasti. Non tamen istud per confusionem ac permixtionem. Pater enim Pater est, Filius Filius, Spiritus sanctus, Spiritus sanctus. At Trinitas ab vnitatem & identitate minime semota est.

O Trinitas sancta sub numerum cadens, Trinitas vno nomine comprehensa! Non enim dicitur vnitatem vel diuitas, nec vnitatem & vnitatem, sed Trinitas in vnitatem, & vnitatem in Trinitate, vno videlicet atque eodem modo & nomine. Vnus Pater in Filio, Filius in Patre, cum Spiritu sancto.

Vna est gloria Patris, & Filij, & Spiritus sancti. Gloriam enim meam, inquit, alteri non dabo. Non enim secundus Deus est Filius, sed Verbum vnus ac solius Dei, qui in Patre Deus esse predicatur, quemadmodum & Pater in Filio: velut etiam Esaias ait, dum Filium vna cum Patre Deum proficitur, Adorabunt te, & in te orabunt: quoniam in te Deus Israel saluator. Confundetur & exubescunt omnes qui ipsi aduersantur, nec ipsum confitentur, nec Spiritum ipsius eiusdem cum Patre essentiam esse, nec prater eum Deum alium non esse.

Non ita est: non, inquam, ita. Non est procreata Trinitas, sed sempiterna, & vna in Trinitate deitas, & vna sancte Trinitatis gloria. Et vos eo audacia prorumpitis, vt eam in diuersas naturas scindatis? Vni Deo Meum dicere conuenit. Ad ipsum enim duntaxat verè omnia pertinent.

QVOD DEVS VITARI NEQVEAT?

quodq; omnia inspiciat, nec quicquam ipsum lateat.

CAPVT II.

DON EST qui eripiat de manibus meis. Consector est operum manuum hominum: nec eum quicquam ex his quae faciunt latet.



Dominus omnia cernit: comprehendens magna & inscrutabilia, & mirabilia absque numero.

Quis est iste, qui celat me consilium, & continet verba in corde: me autem abscondere putat?

Scrutans corda & renes Deus. Excelsus Dominus, & humilia respicit: & alta longe cognoscit. Quò ibo à spiritu tuo, & quò à facie tua fugiam?

Infernus & perditio coram Domino: quanto magis corda hominum? In omni loco oculi Domini contemplantur bonos & malos?

E Deus è vicino ego sum, & non Deus de longè? Si occultabitur vir in absconditis, & ego non videbo eum, dicit Dominus? Nunquid non coelum & terram ego impleo, dicit Dominus?

Deus reuelat profunda & abscondita, & nouit in tenebris constituta, & lux cum eo est.

Hoc, quod continet omnia, scientiam habet vocis. Propter hoc, qui loquitur iniqua, non potest latere, nec prateriet illum corripiens iudicium. Renum illius testis est Deus, & cordis ipsius scrutator verus, & linguæ eius auditor. Manum tuam effugere impossibile est.

Oculi Domini multo lucidiores sunt super solem, circumspectantes omnes vias hominum. Cognouit Dominus omnem scientiam, & inspexit in signum æui, annuncians quæ praterierunt, & quæ superuentura sunt, & reuelans vestigia occul-